

Headlines

- 1 औंदे लोकसभा चुनाएं दरान 18 शा 19 बरें दी उमरी दे तकरीबन 1 करोड़ 80 लक्ख युवा मतदाता पैहली बारी वोट पाने दे अधिकार दा इस्तेमाल करगंन।
- 2 प्रधानमंत्री नरेन्द्र मोदी होरें भूटान च Gyaltsven Jetsun Prema जच्चा बच्चा असपताल दा उद्घाटन कीता।
- 3 सीमा सुरक्षा बल दी पच्छमी कमान दे विशेष महानिदेशक योगेश बहादुर खुरानिया होरें फौज दी 15 कोर दे जीओसी लैफ्टिनेंट जनरल राजीव घई हुंदे नै मलाटी करियै बीएसएफ ते फौज बश्कार सांझे जतनें बारे चर्चा कीती।
- 4 रूस दी राजधानी मास्को दे नेडे जंदी रातीं इक कंसर्ट हाल च होए दे हमले च 115 लोकें दी मौत ते 120 जनें जख्मी होइ गे न। प्रधानमंत्री नरेन्द्र मोदी होरें इस हमले दी सख्त निंदेआ कीती ऐ।

<><><><><><>

**EC-Special**

औंदे लोकसभा चुनां च 18 शा 19 बरें दी उमरी आले कोई इक करोड़ 80 लक्ख मतदाता, पैहली बारी वोट पांगन। इस मकसद लेई I Vote For Sure केई सोशल मीडिया अभियान शुरू कीते गेदे न तां जे पैहली बारी वोट पा'रदे नोजवानें गी प्रेरित कीता जा। ऐगती 19 करोड़ 74 लक्ख मतदाता 20 थमां 29 बरें दे न। चुनां आयोग मूजब 17 बरें दी उमरी आलें दे 13 लक्ख 40 ज्हार आवेदन हासल होए दे न। आयोग आस्सेआ सचिन तेंदुलकर ते राजकुमार राओ जनेह् राष्ट्रीय व्यक्तित्वें दा बी इस कम्मै च सैह्योग लैता जा'रदा ऐ। मतदान च शामिल होने आस्तै प्रेरित करने लेई सोशल मीडिया अभियान ऐ रेडियो कार्यक्रम चलाए गेदे न। चुनां आयोग वोट पौने च बढ़ोतरी लेई योजना गी लागू करा'रदा ऐ।

<><><><><><>

**India Bhutan**

प्रधानमंत्री नरेन्द्र मोदी होर भूटान दे अपने दौ दिन दे दौरै मगरा अज्ज दपैहरी मगरा नमीं दिल्ली परतोई आए। भूटान नरेश Jigme Khesar Namgyel Wangchuck होरें प्रधानमंत्री मोदी हुंदे लेई विशेष सम्मान प्रगट करदे होई उंदे कन्नै हवाई अड्डे तक्कर आए ते विदेया कीता। प्रधानमंत्री मोदी ते भूटान दे उंदे समकक्ष शेरिंग तोबगे होरें थिंपु च इक आधुनिक अस्पताल Gyaltseen Jetsun Pema Wangchuk Mother and Child Hospital दा अज्ज बडलै उद्घाटन कीता। एह अस्पताल भारत सरकार दी मदद कन्नै 2 चरणें च बनाया गेआ ऐ। पैहले चरण च अस्पताल गी 22 करोड़ रपें दी लागत कन्नै बनाया गेआ हा ते 2019 थमां कम्म करा'रदा ऐ। अस्पताल दे दुए चरण दा कम्म 119 करोड़ रपें दी लागत कन्नै हुन पूरा होआ ऐ। इस अस्पताल कन्नै भूटान च जच्चा-बच्चा सेहत सेवाएं दी गुणवत्ता च बड़ा सुधार होग। विदेश मंत्रालय नै आक्खेआ ऐ जे Gyaltseen Jetsun Pema Wangchuk Mother and Child Hospital भारत भूटान दी इक शानदार मिसाल ऐ। अस्पताल दे उद्घाटन मगरा प्रधानमंत्री नरेन्द्र मोदी होरें नमीं दिल्ली लेई प्रस्थान कीता। भूटान नरेश Jigme Khesar Namgyel Wangchuck ते प्रधानमंत्री तोबगे होरें श्री मोदी होरें गी हवाई अड्डे पर विदाई दित्ती। श्री मोदी होरें इक सोशल मीडिया पोस्ट च आक्खेआ ऐ जे उंदा भूटान दा दौरा बड़ा खास रेहा। उनें भूटान दे लोकें आस्सेआ गर्मजोशी ते मेहमान नवाजी लेई धन्नबाद कीता ते ड्रक ग्यालपो पुरस्कार लेई भूटान दा आभार प्रकट कीता।

<><><><><><>

## BJP-CEC

भारतीय जनता पार्टी की केन्द्रीय चुनाव कमेटी की अज्ज नमीं दिल्ली च पार्टी दे मुख्यालय च बैठक होने आली ऐ तां जे लोकसभा चुनाव दे मेदवारें गी परतियै मंजूरी दिक्ती जाई सकै। प्रधानमंत्री नरेन्द्र मोदी भाजपा दे राष्ट्रीय अध्यक्ष जे.पी.नड्डा, गृहमंत्री अमित शाह हुंदे कन्नै कमेटी दे सदस्य ते राज्यें थमां पदाधिकारीएं सनें बैठक च शामिल होआरदे न।।

<><><><><><>

## Sveep-Udhampur

उधमपुर जिले च स्वीप अभियान तैहत जिला चुनाव अधिकारी सेलानी राय होरें अपने दफ्तरै थमां इक मतदाता जागरूकता वैन गी कल झंडी दस्सियै रवाना कीता। उनें इस मौके पर पत्रकारें गी दस्सेआ जे इस अभियानद मकसद वोटरें गी वोट पाने लेई जागरूक करना ऐ ते लोकतंत्र च वोटरें की भेमका बड़ी महत्वपूर्ण होंदी ऐ। उनें लोकसभा चुनाव च लोकें आस्सेआ बड़ी मती गिनतरी च वोट पाने पर जोर पांदे होई आकखेआ जे ऐगती दिव्यांगें, महिलाएं पैहली बारी वोट पाने आलें, बर्जुग वोटरें ते युवा वोटरें गी खास तौर पर मतदान लेई प्रेरित कीता जा'रदा ऐ। उनें अधिकारिएं गी इस मकसद गी पूरा करने लेई मेहनत कन्नै कम्म करने ते आँदे लोकसभा चुनाव आस्तै त्रुटिहीन मतदाता सूचिएं गी जकीनी बनाने आल्ला आकखेआ।

<><><><><><>

## LG-Tributes

उपराज्यपाल मनोज सिन्हा होरें मां भारती दे सपूत ते महान सुतेंतरता सेनानी शहीद-ए-आजम भगत सिंह, सुखदेव ते राजगुरु होरें गी अज्ज उंदे शहीदी दिवस पर श्रद्धांजलि अर्पित कीती ऐ। उनें आकखेआ ऐ जे इनें महान देशभक्तें की दलेरी, क्रांतिकारी जज्बा ते निस्वार्थ बलिदान म्हेशां असें सब्बनें गी प्रेरित करदा रौहग। उपराज्यपाल होरें डॉ. राम मनोहर लोहिया होरें गी अज्ज उंदी जयंति पर श्रद्धांजलि अर्पित कीती ऐ।

<><><><><><>

## Martyrdom Day

अज्ज शहीद-ए-आजम भगत सिंह, राजगुरु ते सुखदेव हुंदा शहीदी ध्याड़ा ऐ। अज्जै दे दिन सन् 1931 च इनें महान देश भक्तें लाहौर की सेंट्रल जेल च "इंकलाब जिंदाबाद" दे नारे लांदे होई खुशी खुशी फांसी दे फंदे गी कबूल करी लैता हा। अज्जै दे दिन मां भारती दे इनें सपूतें गी देश भरै च भावें भरोची श्रद्धांजलि अर्पित कीती जा करदी ऐ। आकाशवाणी दे संवाददाता की रिपोर्ट मूजब पंजाब च भारत सिंह हुंदे जद्दी ग्रां सनें फिरोजपुर जिले की हुसैनीवाला थाहर राष्ट्रीय शहीदी स्मारक पर बी अज्ज श्रद्धांजलि कार्यक्रमें दा आयोजन कीता गेआ। 23 मार्च 1931 की शहीद भगत सिंह, राजगुरु ते सुखदेव हुंदा खीरी संस्कार हुसैनीवाला च गै कीता गेआ हा।

<><><><><><>

## SDG-LoC

बीएसएफ की पच्छिम कमान दे डरैक्टर जनरल योगेश बहादुर खुरानिया होरें कश्मीर घाटी दा अपना 5एं दिनें दा दौरा सम्पन्न कीता। इस दौरै च उनें नियंत्रण रेखा पर ओपरेशन सरबंधी तैआरिएं ते सुरक्षित स्थिति दा जायजा लैता। बीएसएफ प्रवक्ता मूजब एसडीजी होर 18 थमां 22 मार्च तोड़ी कश्मीर फ्रंटियर दा महत्वपूर्ण दौरा करदे होई बीएसएफ आस्सेआ देश की सीमाएं की राखी करने दे निश्चय गी पक्का कीता। उनें 15 कोर दे जीओसी लैफ्टिनेंट जनरल राजीव घई हुंदे कन्नै मलाटी करियै बीएसएफ ते सेना दे सांझे अभियानें पर गल्ल कीती। एसडीजी बीएसएफ होरें सीमा सुरक्षा बल दे जुआनें आस्सेआ उच्चे स्तर की निगरानी ते सतर्कता की प्रशंसा गी भंग करने की कुसै बी कोशश गी नाकाम करने लेई आकखेआ।

<><><><><><>

## Russia Attack

रूस की राजधानी मास्को दे नेड़े इक लोकप्रिस कंसर्ट हाल च जंदी रातीं थेआरबंद हमलावरें आस्सेआ कीती गेदी गोलीबारी च 115 लोक मारे गे ते 120 शा मते लोक जखमी होई गे। आतंकवादी गुट आईएसआईएस नै इक ब्यान जारी करियै इस हमले की जिम्मेदारी लैती। उआं उनें अपने इस दावे दे हक्कै च कोइ सबूत पेश नेई कीता ऐ। तोआई प्रधानमंत्री नरेन्द्र मोदी हुंदे सनें

दुनिया दे केई देशों दे नेताएं इस हमले दी सख्त निंदेआ कीती ऐ। सोशल मीडिया दी इक पोस्ट च मोदी होरें आक्खेआ ऐ जे दुक्खै दी इस घड़ी च भारत पूरी इकजुटता कन्नै रूस दी सरकार ते उत्थुं दे लोकें कन्नै खड़ोते दा ऐ। तोआई रूस नै आक्खेआ ऐ जे इस हमले दे सिलसिले च 4 संदिग्ध बंदूकधारिएं सनें 11 लोकें गी हिरासत च लैता गेआ ऐ। मास्को च होए दे आतंकवादी हमले च मरने आलें प्रति सोग व्यक्त करदे होई नमीं दिलली च रूस दे राजदूती दफ्तरै च राश्ट्री झंडा अददा झुकाई दित्ता गेदा ऐ। सोशल मीडिया दी इक पोस्ट च दूतावास नै इस हमले च मारे गेदे लोकें दे परोआरें प्रति संवेदना व्यक्त कीती ऐ ते जख्मिएं दे तौले नरोए होने दी कामना बी कीती ऐ।

<><><><><><>

### **Russia Attack Reaction**

पूरी दुनिया रूस च होए दे आतंकी हमले दी सख्त निंदेआ करा करदी ऐ। संयुक्त राश्ट्र महासहचव अनटोनियो गुलरेस होरें जंदी रातीं दे इस हमले पर गैहरा दुख ते सदमा जाहर कीता ऐ ते एह्दी सख्त लफजें च निंदेआ कीती ऐ। संयुक्त राश्ट्र सुरक्षा परिषद नै सब्बने मुख्खें गी आक्खेआ ऐ जे ओ रूस दी सरकार कन्नै सक्रियता कन्नै सैहयोग करन ते कन्नै होर दुए इदारें—अजेंसिएं कन्नै बी तां जे इस आतंकी हमले दे दोषिएं गी सजा दोआई जाई सकै। प्रधानमंत्री नरेन्द्र मोदी होरें मास्को दे क्रोकस सिटी हाल च होए दे इस हमले दी सख्त निंदेआ कीती ऐ। अमरीका, यूरोपीय संघ, बरतानिया, फ्रांस, स्पेन ते संयुक्त अरब अमिरात नै बी इस हमले पर गैहरा दुख ते जबरदस्त रौह प्रगट कीता ऐ। फ्रांस दे राश्ट्रपति इमैनुअल मैक्रां होरें मारे गेदे लोकें दे परिवार आलें समेत रूस दे सब्बने नागरिकें कन्नै हमदर्दी प्रगट कीती ऐ। स्पेन नै आक्खेआ ऐ जे ओ मास्को च होए दे इस हमले करी इक बड्डे सदमे च न ते दुखी बी। इटली दी प्रधानमंत्री जिआर्जिया मेलोनी होरें आक्खेआ ऐ जे एह् आतंकवाद दी इक बड़ी मती जालमाना कारवाई ऐ।

<><><><><><>

### **Vote from Home(byte)**

इक ऐतिहासक गैह् पुट्टदे होई भारती चुनां आयोग नै दिव्यांग मतदाताएं गी उंदे घरें थमां गै वोट पाई सकने दी सुविधा देई दित्ती ऐ। नेया पैहली बारी ऐ जिसलै चुनां आयोग नै इस किस्मै दी पैहलकदमी कीती ऐ। साढ़े संवाददाता नै इस सरबंधें च रियासी दे रौहने आले लियाकत चौधरी हुंदे कन्नै गल्ल कीती जिंदा गलाना ऐ.....बाईट

<><><><><><>

### **DEO Polling**

जम्मू दे जिला चुनां अधिकारी सचिन कुमार वैश्य होरें कल बिश्नाह, रणबीर सिंह पुरा ते मढ हल्कें सनें सुचेतगढ ते चकरोई दे बन्ने आले इलाकें दा व्यापक दौरा लाइयै मतदान केन्द्रें च उपलब्ध सुविधाएं दी समीक्षा कीती। इस मौके पर उनें मढ, स्कास्ट ते बिश्नाह च मतदान केन्द्रें ते स्ट्रांग रूमें दी जांच कीती। उनें सरबंधत अधिकारिएं गी निर्देश दित्ता जे ओह् हर मतदान केन्द्र पर साफ—सफाई ते सब्बै तैआरियां जकीनी बनान। जिला चुनां अधिकारी होरें बर्जुग ते दिव्यांग मतदाताएं लेई सब्बै प्रबंध जकीनी बनाने दे बी निर्देश जारी कीते।

<><><><><><>

### **Jaishankar**

विदेश मंत्री डॉ. एस.जयशंकर होर त्रऊं दिनें दे दौरे पर अज्ज सिंगापुर पुज्जी गे न। अपने दौरे दी शुरूआत उनें नेताजी सुभाष चन्द्र बोस ते इंडियन नेशनल आर्मी दे दलेर जवानें गी श्रद्धांजलि अर्पित करदे होई कीती। सोशल मीडिया दी इक पोस्ट च डॉ. जयशंकर होरें आक्खेआ जे सिंगापुर च आईएनए मारकर इनें जवानें दी देशभक्ति ते अदम्य जज्बें दा प्रतीक ऐ ते एह् ओने आली रिपोर्ट पीढ़िएं गी सदा प्रेरित करदा रौहग।

<><><><><><>

### **MEA Germany**

विदेश मंत्रालय नै भारत दे अंदरूनी मामलें च जर्मनी दे विदेश दफ्तर दे प्रवक्ता दिएं टिप्पणिएं खलाफ नमीं दिलली च जर्मन मिशन दे उप—प्रमुख गी तलब करियै अपना सख्त बरोध दर्ज करोआया ऐ। मंत्रालय नै आक्खेआ ऐ जे भारत ऐसी टिप्पणिएं गी न्यायिक प्रक्रिया च दख लते भारत दी न्याह पालिका दी आजादी गी घट्ट आंकने दे रूपै च दिक्खदा ऐ। विदेश मंत्रालय नै आक्खेआ जे भारत कनून दी पालमा करने आला इक मजबूत लोकतांत्रिक देश ऐ।